



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PUP)
SETIAUSAHA AKHBAR**

10 SEPTEMBER 2021 (JUMAAT)



KEMENTERIAN PERDAGANGAN DALAM NEGERI
DAN HAL EHWAL PENGGUNA

KERATAN AKHBAR DAN MEDIA ONLINE (KPDNHEP)

10 SEPTEMBER 2021 (JUMAAT)

Harga ayam, telur tidak dikawal kecuali musim perayaan

PUTRAJAYA: Harga ayam dan telur bukan dalam senarai barang kawalan kecuali semasa musim perayaan utama di Malaysia melalui pelaksanaan Skim Harga Maksimum Musim Perayaan (SHMMP).

Kementerian Perdagangan Dalam Negeri dan Hal Ehwal Pengguna (KPDNHEP) dalam satu kenyataan berkata, dalam sistem ekonomi pasaran bebas, harga barang ditentukan oleh

permintaan dan penawaran. Bagaimanapun menurut kenyataan itu, Kementerian akan memantau harga ayam serta telur yang didakwa meningkat sebelum menentukan langkah menstabilkannya termasuk memastikan tiada manipulasi dan pengambilan untung berlebihan dalam kalangan peniaga.

"Kementerian juga tidak akan teragak-agak untuk melaksanakan akta seperti Akta Kawalan

Bekalan 1961 serta Akta Kawalan Harga dan Anti-Pencatutan 2011 jika keadaan memerlukan kerana kenaikan harga akan memberi impak ke atas kos sara hidup rakyat.

"Menerusi fasa pemulihan dengan penutupan dan pembukaan sektor ekonomi, penyesuaian pasaran akan berlaku apabila terdapat lonjakan kuantiti penawaran dan permintaan," katanya dalam satu

kenyataan di sini semalam.

KPDNHEP berkata, pihaknya turut mendapati harga telur ayam naik di peringkat penternak dan pemborong disebabkan berlaku peningkatan kos di setiap peringkat pembekalan.

Pemantauan turut dilaksanakan di peringkat makanan ayam dan mendapati peningkatan terhadap kos bagi bahan-bahan utama makanan ayam iaitu jagung, soya dan minyak sawit

mentah.

"Perincian maklumat kos sedang diperolehi dan disiasat bagi mengesan punca" katanya.

Tambahnya, berdasarkan Laporan Price Alert Harian 6 September lalu mendapati harga ayam standard peringkat nasional meningkat daripada RM8.39 kilogram (kg) kepada RM8.47/kg, dengan peningkatan sebanyak 0.94 peratus (RM0.08/kg).

Isu harga ayam naik

Kementerian ajak pengeluaran bincang

Dua pihak cari jalan selesai masalah beban pengguna sekian lama

Oleh Baharom Bakar dan
Ekinwan Haque Fadzilul Haque
bhnews@bh.com.my

tauhan KPDNHEP, masih ada pasar raya besar menjual ayam pada harga RM6.90 hingga RM8.49 sekilogram, manakala pasar raya pula menjual antara RM6.90 hingga RM8.89 sekilogram.

"Kenaikan harga ayam sehingga RM10 sekilogram hanya berlaku di pasar basah berikutan permintaan tinggi pengguna yang mengangap ayam di pasar basah lebih segar serta berkualiti berbanding yang dijual di pasar raya besar dan pasar raya," katanya kepada BH, semalam.

Mengulas kenyataan Penasihat Persekutuan Persatuan-Persatuan Penternak Malaysia (FLEFAM), Datuk Jeffrey Ng bahawa ada beberapa faktor memaksa penternak menaikkan harga ayam, antaranya peningkatan kos untuk dedak dan anak ayam pula, Rosol mempersoalkan mengapa berlaku ku perbezaan harga antara pasar basah dengan pasar raya.

Katanya, perbezaan harga turut berlaku apabila ada peniaga kecil di bahu jalan mampu menjual ayam pada harga lebih mu-

rah jika dibandingkan di pasar basah.

"KPDNHEP akan mengadakan perbincangan dengan pembekal dan pengeluaran, termasuk pada peringkat ladang, untuk mencari kaedah penyelesaian.

"Kita juga meminta pengguna beralih mendapatkan ayam di pasar raya besar dan pasar raya kerana kualiti serta kesegaran tetap sama," katanya.

Sementara itu, tinjauan mendapati ada peniaga masih menjual ayam pada harga antara RM8.10 hingga RM9 sekilogram, manakala harga borong antara RM7.99 hingga RM8.10 sekilogram.

Peniaga ditemui mendakwa harga ayam dijangka meningkat hingga RM10 sekilogram sepanjang minggu depan.

Semalam, BH memetik Jeffrey berkata, pandemik COVID-19 dan

sekatan pergerakan turut mempengaruhi kenaikan harga ayam di pasaran.

Antara lain kerana penternak perlu menanggung kos saringan COVID-19 berkala untuk pekerja, selain menampung kenaikan gaji mengambil warga tempatan bekerja berikutan kekurangan pekerja asing.

Katanya lagi, sekatan pergerakan yang menyaksikan restoran ditutup dan tidak boleh makan di premis atau *dine-in*, turut menjejaskan permintaan terhadap bekalan ayam, selain kenaikan harga dedak daripada RM800 satu tan ke RM1,200 hingga RM1,300.

Jeffrey berkata, harga pasaran anak ayam juga meningkat antara RM2.10 hingga RM2.20 sekor, selain hujan hampir setiap hari, sekali gus memberi kesan kepada pembesaran anak ayam yang memerlukan

tempoh 40 hari untuk mencapai berat 1.8 kilogram menyebabkan penternak menanggung kos tinggi untuk makanan ternakan dan penjagaan.

Di Kuala Lumpur, Timbalan Presiden Gabungan Persatuan-Persatuan Pengguna Malaysia (FOMCA), Mohd Yusof Abdul Rahman, meminta kerajaan menetapkan satu harga siling ayam untuk sepanjang tahun dan bukan hanya pada musim perayaan.

Beliau berkata, permintaan ayam tinggi kerana pengguna terpaksa memilih sumber protein itu susulan harga ikan dan daging terus kekal tinggi.

"Kenaikan harga ayam bukan perkara baharu kerana ia akan berlaku saban tahun dengan alasan sama oleh penternak.

"Peniaga juga terhimpit jika penternak menjual pada harga tinggi.

"Justeru, harga siling sepanjang tahun perlu ditetapkan dan bukan tertumpu ketika musim perayaan saja," katanya.



Rosol Wahid

KPDNHEP, pengeluar cari penyelesaian

Kuala Terengganu: Kementerian Perdagangan Dalam Negeri dan Hal Ehwal Pengguna (KPDNHEP) akan berbincang dengan beberapa pengeluar ayam terbesar bagi menyelesaikan isu kenaikan harga ayam.

Timbalan Menteri Datuk Rosol Wahid berkata, perbincangan itu diadakan untuk mengenal pasti punca berlaku kenaikan harga ayam sekali gus mencari jalan penyelesaian.

Menurutnya, ketika ini pemantauan dilakukan, mendapati terdapat pasar raya besar menjual ayam pada harga antara RM6.90 hingga RM8.49 setiap kilogram (kg) manakala pasar raya pula antara RM6.90 hingga RM8.89 satu kilogram.

"Kenaikan harga ayam sehingga RM10 sekilogram hanya berlaku di pasar basah berikutan permintaan tinggi daripada pengguna.

"Ini kerana pengguna menganggap ayam dijual di pasar basah lebih segar dan berkualiti jika dibandingkan dengan yang dijual di pasar raya besar atau pasar raya,"

katanya ketika dihubungi, semalam.

Sementara itu, mengulas kenyataan Penasihat Persekutuan Persatuan-Persatuan Penternak Malaysia (FLFAM), Datuk Jeffrey Ng mendakwa kenaikan harga ayam disebabkan peningkatan kos untuk dedak dan anak ayam, Rosol mempersoalkan mengapa berlaku perbezaan harga ayam antara yang dijual di pasar basah dan pasar raya.

Katanya, kalangan peniaga yang menjual ayam di bahu jalan juga mampu menjualnya pada harga lebih murah jika dibandingkan di pasar basah.

"KPDNHEP akan mengadakan perbincangan dengan pembekal dan pengeluar termasuk di peringkat ladang untuk mencari kaedah penyelesaian.

"Kita juga meminta pengguna supaya beralih mendapatkan bekalan ayam di pasar raya besar dan di pasar raya kerana kualiti serta kesegaran tetap sama," katanya.

'Tetap harga siling sepanjang tahun'

Kuala Lumpur: Harga sumber protein seperti ikan dan daging yang mahal menyebabkan pengguna beralih kepada ayam sebagai alternatif namun harganya yang naik mendadak sejak beberapa hari lalu terus menghimpit para pengguna.

Justeru, Timbalan Presiden Gabungan Persatuan-Persatuan Pengguna Malaysia (Fomca), Mohd Yusof Abdul Rahman meminta kerajaan menetapkan satu harga siling ayam untuk sepanjang tahun dan bukan hanya di musim perayaan.

Katanya, permintaan ayam yang tinggi berlaku disebabkan pengguna terpaksa memilih sumber protein berkenaan ekoran harga ikan dan daging kini terus kekal tinggi.

"Kenaikan harga ayam bukan perkara baharu kerana ia akan berlaku saban tahun dengan alasan yang sa-

ma oleh penternak.

"Peniaga juga terhimpit jika di peringkat penternak menjual pada harga tinggi. Harga siling sepanjang tahun perlu ditetapkan dan bukan hanya tertumpu ketika musim perayaan saja," katanya ketika dihubungi Harian Metro.

Beliau berkata, pengguna tidak mempunyai pilihan selain membeli ayam dan ini mungkin digunakan pihak tertentu untuk menaikkan bagi mendapat keuntungan lebih.

Tambahnya, penternak juga perlu memastikan bahan mentah dan sumber tenaga kerja stabil supaya tidak berlaku kenaikan harga mendadak.

Harga ayam di beberapa lokasi seluruh negara dilaporkan naik sehingga RM10 sekilogram sejak beberapa hari lalu ternyata mengejutkan pengguna.

Penternak dan pengeluar memaklumkan kenaikan harga dedak, anak ayam dan sumber tenaga pekerja asing menjadi punca kenaikan berlaku.

Hanya 10% premis jual kit ujian sendiri melebihi harga siling

Gombak: Kementerian Perdagangan Dalam Negeri dan Hal Ehwal Pengguna (KPDNHEP) Selangor mengenal pasti terdapat sebilangan kecil premis menjual kit ujian sendiri Covid-19 melebihi harga kawalan.

Pengarah KPDNHEP Selangor, Muhammad Zikri Azan Abdullah berkata, pihaknya melakukan pemeriksaan terhadap 503 premis membabitkan sektor pengedaran, pemborong dan peruncitan di negeri ini sejak 5 September lalu hingga semalam.

"Kebanyakan premis yang diperiksa mematuhi penandaan harga maksimum namun hasil pemeriksaan dilakukan mendapati terdapat kira-kira 10 peratus daripada jumlah premis diperiksa masih menjual kit ujian sendiri Covid-19 melebihi harga kawalan ditetapkan iaitu pada harga RM39.90 seunit.

"Antara alasan yang dikemukakan adalah tidak ada berkaitan harga kawalan ditetapkan selain masih menjual stok lama yang dibeli pada harga tinggi sebelum ini.

"Bagaimanapun, tiada tindakan diambil dan hanya amaran dikeluarkan memandangkan kami menetapkan untuk memberi tempoh kepada mereka untuk menyelaraskan harga kit ujian sendiri Covid-19," katanya.

Beliau berkata demikian ketika ditemui selepas meninjau harga kit ujian sendiri Covid-19 di beberapa farmasi di sekitar Sri Gombak di sini, semalam.

Operasi bersepadu itu yang bermula jam 10 pagi semalam turut disertai beberapa pegawai dari Pejabat Kesihatan Daerah Gombak. Muhammad Zikri berkata, dalam pemeriksaan sama-



PENGUAT KUASA KPDNHEP dan Kementerian Kesihatan Malaysia (KKM) Gombak memeriksa harga kit ujian sendiri Covid-19 di sekitar farmasi Taman Sri Gombak - Gambar NSTP/AZIAH AZMEE

lam, pihaknya tidak mengemukakan amaran bertulis sepanjang pemeriksaan dijalankan memandangkan peratus pematuhan terhadap harga maksimum kit ujian itu melebihi 98 peratus.

"Bagaimanapun, pemeriksaan dan pemantauan ulia-

ngan akan diteruskan dan sekiranya terdapat pelanggaran oleh pihak peniaga, tindakan kes akan dikenakan bermula 12 September ini.

"Selain itu, kami turut memeriksa bekalan kit ujian ini di setiap peringat dan mendapati ia di tahap memuaskan dengan penggunaan mudah untuk mendapatkan kannya," katanya.

Beliau berkata, pihaknya menerima dua aduan berhubung kit ujian sendiri Covid-19 yang dijual pada harga tinggi pada 3 September lalu.

"Hasil semakan ke atas dokumen jualan dan dokumen kos mendapati harga terbit adalah sama seperti hari pertama ia dijual kepada pengguna.

"Berdasarkan pemeriksaan itu juga, kami mendapati tiada unsur kenaikan harga kos dari pembekal kit ujian berkenaan," katanya.